

19 OCT 1999

15,000 DIJANGKA HADIRI SAMBUTAN BN DI TERENGGANU

KUALA TERENGGANU, 19 Okt (Bernama) -- Kira-kira 15,000 anggota parti komponen Barisan Nasional (BN) dijangka hadir pada perhimpunan sambutan ulang tahun ke-25 BN peringkat negeri di Stadium Negeri di sini Ahad ini.

Menteri Besar Tan Sri Wan Mokhtar Ahmad yang juga Pengerusi BN negeri berkata majlis itu akan dimulakan pada 8.30 malam dengan bacaan doa.

Ini akan diikuti nyanyian lagu BN dan ucapan beliau.

Pada 9.15 malam kesemua yang hadir akan mengikuti siaran lintas langsung ucapan Perdana Menteri Datuk Seri Dr Mahathir Mohamad selaku Pengerusi BN dari Stadium Bukit Jalil, Kuala Lumpur secara persidangan video.

Selesai ucapan Dr Mahathir, orang ramai akan dipersembahkan dengan pertunjukan keseniaan dan kebudayaan yang meliputi kebudayaan Melayu, Cina dan India, katanya.

Menurutnya, jawatankuasa penganjur juga telah mengundang pengasas BN negeri menghadiri majlis itu sebagai tanda mengenang jasa kepimpinan mereka.

-- BERNAMA

SBS NMO